

**ENTI RREGULLATOR I ENERGJISË
BORDI****VENDIM****Nr. 62, Datë 08.04.2020****MBI****LICENCIMIN E SHOQËRISË “ERA HYDRO” SH.P.K.NË VEPRIMTARINË E
PRODHIMIT TË ENERGJISË ELEKTRIKE NGA HEC “STRORI” ME KAPACITET TË
INSTALUAR 2000 KW.**

Në mbështetje të nenit 16 dhe nenit 37, pika 2 gërma “a” të Ligjit nr. 43/2015 “Për Sektorin e Energjisë Elektrike”, i ndryshuar, nenit 4, pika 1, gërma “a”, nenit 5, pika 1, gërma “a” dhe nenit 13, të “Rregullores për procedurat dhe afatet për dhënien, modifikimin, transferimin, rinovimin ose heqjen e licencave në sektorin e energjisë elektrike”, të miratuar me vendimin e bordit të ERE nr.109, datë 29.06.2016, e ndryshuar, dhe nenit 15 të “Rregullores të organizimit, funksionimit dhe procedurave të ERE-s”, miratuar me vendimin e bordit të ERE nr. 96, datë 17.06.2016, bordi i Entit Rregullator të Energjisë (ERE), në mbledhjen e tij të datës 08.04.2020, mbasi shqyrtoi relacionin e përgatitur nga Drejtoria e Licencimit, Autorizimeve dhe Mbikëqyrjes, “Mbi licencimin e shoqërisë “ERA HYDRO” sh.p.k., në veprimtarinë e prodhimit të energjisë elektrike,

Konstatoi se:

- ERE me vendimin Nr. 15, datë 23.01.2020, filloi procedurën për licencimin e shoqërisë “ERA HYDRO” sh.p.k., në veprimtarinë e prodhimit të energjisë elektrike nga HEC “Strori”.
- Në vijim të kësaj vendimmarrje u krye njoftimi në median e shkruar me shkresën nr. 62/3, datë 27.01.2020, dhe në përfundim të afatit të përcaktuar në nenin 10, pika 11, të “Rregullores për procedurat dhe afatet për dhënien, modifikimin, transferimin, rinovimin dhe heqjen e licencave në sektorin e energjisë elektrike”, nuk rezultoi të ketë vërejtje apo ankesa nga palët e treta, lidhur me aplikimin e bërë nga shoqëria “ERA HYDRO” sh.p.k.
- Me shkresat nr. 292 Prot datë 28.01.2020 dhe nr. 292/1 Prot, datë 28.02.2020, ERE i’u drejtua shoqërisë duke i njoftuar fillimin e procedurës dhe kërkoi plotësimin e dokumentacionit të munguar brënda afateve të përcaktuara në legjislacionin në fuqi.
- Në përgjigje të sa më sipër, shoqëria “ERA HYDRO” sh.p.k. me shkresën e protokolluar në ERE me nr. 17/1 Prot, datë 26.02.2020 dhe së fundmi me shkresën nr. 292/2 Prot, datë 30.03.2020, ka përcjellë dokumentacionin e munguar dhe dokumentacion tjetër plotësues për qëllime të aplikimit për licensim.
- Nga aplikimi u konstatua se Kontrata nr. 16 Rep dhe nr. 12/3 Kol, datë 05.01.2018, “Për ndërtimin, shfrytëzimin dhe administrimin e hidrocentralit Strori me kapacitet prodhues 2 MW, në

përroin e Holtës dhe Seltës, degë e Lumit Devoll, Bashkia Gramsh, Qarku Elbasan”, është lidhur midis mbajtësit të miratimit shoqërisë “Era Hydro” sh.p.k. dhe Ministrisë se Infrastrukturës dhe Energjisë (MIE) për një afat 49 vjeçar që fillon nga data e hyrjes në fuqi të saj, me të drejtë ripërsëritje.

- Hidrocentrali Stori do të shfrytëzojë ujrat e përrrenjve të Holtës dhe Seltës, degë të Lumit Devoll dhe do të ketë dy vepra marrje. Parametrat e pasqyruar në Projektin e Zbatimit për këtë HEC janë të njëjtë me ato të pasqyruar në Raportin e Oponencës Teknike dhe Kontratën nr. 16 Rep dhe nr. 12/3 Kol, datë 05.01.2018 “Për ndërtimin, shfrytëzimin dhe administrimin e hidrocentralit Stori me kapacitet prodhues 2 MW, në përroin e Holtës dhe Seltës, degë e Lumit Devoll, Bashkia Gramsh, Qarku Elbasan”.
- Shoqëria ka përcjellë në ERE kontratën e qirasë nr. 7413 Prot, datë 26.10.2017, “Për dhënien në përdorim të fondit pyjor kullor publik” me palë Bashkia Gramsh dhe shoqëria “ERA HYDRO” sh.p.k.. Qëllimi i kontratës është ushtrimi i veprimtarisë për ndërtimin e HEC Stori. Afati i kësaj kontrate është 10 vjet me të drejtë rinovimi. Kjo kontratë i fillon efektet ligjore dhe financiare në momentin e pajisjes së subjektit me leje ndërtimi.
- Shoqëria ka përcjellë në ERE “Miratimin e pikës së lidhjes së HEC Stori të shoqërisë “ERA HYDRO” sh.p.k”. Ky miratim është dhënë për HEC Stori. Po ashtu shoqëria ka depozituar edhe marrëveshjen e lidhjes së re të lidhur midis OSHEE sh.a. dhe “ERA HYDRO” sh.p.k. në rrjetin elektrik të shpërndarjes. HEC “Stori” do të lidhet në N/Stacionin elektrik HEC Cërrunjë.
- Shoqëria ka paraqitur Lejen e Këshillit të Basenit Ujor Seman, “Për përdorim të Burimit Ujor”, me nr. 00083 Seria, nr. 1072/1 Prot, datë 30.11.2017 dhe nr. Vendimi 24, datë 16.11.2017, lëshuar për shoqërinë “ERA HYDRO” sh.p.k. për prodhim energjie elektrike, duke përodrur burimin ujor të Përroit të Holtës degë e Lumit Devoll. Në këtë leje janë pasqyruar koordinatat e zonës ku do të shtrihet veprimtaria si dhe sasia e prurjeve mesatare për secilën vepër marrje. Periudha e vlefshmërisë së kësaj leje është deri në datën 16.11.2022 me te drejte rinovimi.
- Parametrat e sipërcituar janë të njëjtë me ato të pasqyruar në Raportin e Oponencës Teknike dhe Kontratën nr. 16 Rep dhe nr. 12/3 Kol, datë 05.01.2018, “Për ndërtimin, shfrytëzimin dhe administrimin e hidrocentralit Stori me kapacitet prodhues 2 MW, në përroin e Holtës dhe Seltës, degë e Lumit Devoll, Bshkia Gramsh, Qarku Elbasan”.
- Shoqëria ka depozituar në ERE shkresën nr. 940 Prot, datë 18.04.2017, të Ministrisë së Mjedisit, VNM Paraprake me nr. vendimi 16 dhe nr. Identifikimi 258, e lëshuar për “ERA HYDRO” sh.p.k., për ndërtimin dhe operimin e “HEC Stori”.
- Shoqëria ka depozituar në ERE kontratën e kredisë bankare të përgjithshme nr. 2965 Rep., nr. 1285 Kol., datë 07.06.2019, me anë të së cilës aplikuesi, ka marrë kredi me qëllim të vetëm investimin e HEC “Stori”. Shoqëria ka depozituar ne ERE gjithashtu, edhe disa kontrata huaje që se bashku me kredine mbulojnë tërësisht vleren e investimit të parashikuar në planin e biznesit të kontratës së koncesionit.
- Aplikuesi merr përsipër të vërë në punë hidrocentralin brënda 21 muajve nga data e marrjes së të gjitha lejeve për fillimin e punimeve.

Nga analiza e dokumentacionit të depozituar në ERE nga shoqëria “ERA HYDRO” sh.p.k., rezulton se shoqëria ka plotësuar tërësisht kërkesat e “Rregullores për procedurat dhe afatet për dhënien, modifikimin, transferimin, rinovimin ose heqjen e licencave në sektorin e energjisë elektrike”, e ndryshuar, si më poshtë:

- Formati dhe dokumentacioni për aplikim. Neni 9, pika 1, gërmat a), b) c). Plotësuar
- Dokumentacioni juridik, administrativ dhe pronësor. Neni 9, pika 2, gërmat a), b), c), d), e), f) g). Plotësuar
- Dokumentacioni financiar dhe fiskal. Neni 9, pika 3, gërmat a), b), c) d). Plotësuar.
- Dokumentacioni teknik për HEC-in. Neni 9, pikat 4.1.1; 4.1.2; 4.1.3, gërmat a), b), c), d) dhe pika 4.1.4, gërmat a), b), c), d), e). Plotësuar.
- Leje nga institucione të tjera. Neni 9, pika 4.1.5, gërmat a), b), c). Plotësuar.

ERE në zbatim të nenit 38 të Ligjit “Për Sektorin e Energjisë Elektrike”, i ndryshuar dhe nenit 5 të “Rregullores për procedurat dhe afatet për dhënien, modifikimin, transferimin, rinovimin ose heqjen e licencave në sektorin e energjisë elektrike”, e ndryshuar, nuk mund të japë për veprimtarinë e prodhimit të energjisë elektrike një licencë me afat më të gjatë se 30 vjet.

Për gjithë sa më sipër cituar, bordi i ERE-s,

Vendosi:

1. Të licencojë shoqërinë “ERA HYDRO” sh.p.k., në veprimtarinë e prodhimit të energjisë elektrike nga HEC “Strori” me kapacitet të instaluar 2000 kW, për një afat 30- vjeçar.
2. Shoqëria të depozitojë në ERE, jo me vonë se 1 muaj para përfundimit të saj kontratën e qirasë për truallin ku do të ushtrohet veprimtaria, të rinovuar.
3. Shoqëria të depozitojë në ERE jo më vonë se 1 muaj para përfundimit të saj, Lejen “Për përdorimin e Burimit Ujor”, të rinovuar.
4. Mos plotësimi i kushteve të këtij vendimi përbën shkak për rishikimin e tij.
5. Drejtoria e Licencimit, Autorizimeve dhe Mbikëqyrjes, të njoftojë aplikuesin për vendimin e bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim në ERE brenda 7 ditëve kalendarike si dhe mund të bëhet ankimi në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI I ERE
Petrit AHMETI